

適園叢書

張宗祥



通國書

卷之四



後山先生集卷第七

外集

彭城陳

師道

履常著

茶陵陳

仁子

同甫編校

詩

和蘇公洞庭春色

洞庭千木奴寸絲不挂手來輸步兵廚釀作青田酒王家玉

東西未覺歲華走方從羅浮山

羅浮山有仙人種橘處

已作南陽壽還

將鸞頭春慰子雪入牖我方縛禪律一舉煩屢嗅東坡酒中

仙醉墨粲星斗詩成以屬我千金須弊帚何曾尊俎間著客

面顰黝定須笑美人

趙有璧者平原君美人笑之

蘸甲不濡口

山口阻風

夕風朝未回來雲去爲雨繫舟直山口天意遽如許濤風兩
方鬪正原莫當怨兩山爲俯仰一鳥不得度臨深負高枕偷
生寧得所歷歷數過帆當途氣如虎快意亦適然淹泊豈吾
取遡洄更去留未易相爾汝行登東山巔壯觀前未覩九澤
不滿眼五丈方一縷茲山昔誰遊巨野傳自古菰魚無凶年
未利猶不禦荷隩活萬人黎埒視千戶東方富絲麻小市藏
百賈連檣自南北行談雜秦楚向晚風力微湖清魚可數空
倉烏鳥樂外舍窗扉語身非天下惜家無十金聚欲留盜賊
迫欲去波濤怒兩者爾何從一死吾未與

登冥山

東山如覆盂石塔仍數層昔人行樂處時過名不稱秋風變

草木樵徑餘薪蒸四顧一水閒不復知淄澠菰蒲萬世利煙
火千人曾平生登山腳歲晚如不勝求田君勿問撫髀吾何
能飛鴻將目遠秋水留心澄茲遊豈不朽作歌記吾曾

江湖堂

莫愛西湖好涓涓去不回無情是江水猶解及時來

眠雲齋

已是登臨晚長須愛惜春終當捐世事來作臥雲人

山口

湖闊疑無地河回忽見山登臨聊自試衰疾致身閒四壁寧
虞盜多方莫駐顏無風回遠笛有月待人還

擬古

後山先生集卷一
益中有聲囊不癭嚙息不如帶加緊人生七十今已半一飽
無時何可忍公侯早歲有如此奴婢蓐食支夜永向來糠覈
之子孫居鄰無傳家存并

嘲無咎文潛

二首

詩人要瘦君則肥便然偉觀詩不宜詩亦於人不相累黃金
九鑲腰十圍

一飢緣我不緣渠身作賈孟行詩圖窮人乃工君未可早據
要路安肩輿

次韻夜雨

暗雨來何急寒房客自醒驟看鐙閃閃擬對竹青青聲到江
千盡風回葉上聽更長那得曉欹側想儀刑

晦日

人老時情薄春深花意微
暄寒南北異風俗古今違
卽事無同異旁觀有是非
食蔬如許瘦飽肉未須肥

登城樓

城郭春容晚因行可當遊
飛來雙蛺蝶自盡一浮鷗
峽峻山將合江平水卻流
同來端興盡且爲小遲留
奉賀陳聖子

合譜兒童歲爲僚一再秋
初聞消息報已作別離憂
急雪將無路寒江欲斷流
相逢寧易得端爲小遲留
和王子安至日

近節翻多事爲家不亦難
老成須藥力愁絕向誰寬
凍雨能

妨夢朝霜故作寒衰顏心自了不待鏡中看

其二

物理有終極人情從往還陰陽消長際老疾去留閒申白徒懷惠巢由不買山更歌吾和汝風日稍侵顏

其三

晨起公私迫昏歸鳥雀催百年忙裏盡萬事醉閒來竹雨深宜晚江梅半欲開風鐙挑不燄寒火撥成灰

寄文潛無咎少游三學士

北來消息不真傳南渡相忘更記年湖海一舟須此老蓬瀛萬丈自飛仙數臨黃卷聊遮眼穩上青雲小著鞭李杜齊名吾豈敢晚風無樹不鳴蟬

連日大雪以疾作不出聞蘇公與德麟同登女郎臺

掠地衝風敵萬人蔽天密雪幾微塵漫山塞壑疑無地投隙
穿帷巧致身晚積讀書今已老閉門高臥不緣貧遙知更上
湖邊幸一笑潛回萬室春

是日遣兵官
分賜柴米

立春

馬蹏殘雪未成塵梅子梢頭已著春巧勝向人真耐老衰顏
從俗不宜新高門肯送青絲菜下里誰思白髮人共學少年
天下士獨能濡溼轍中鱗

贈王聿修商子常

欲作新詩挑兩公含毫不下思先窮貪逢大敵能無懼強畫
修眉每未工畏病忍狂妨痛飲晚雲朝雨滯晴空正須好句

留春住可使風飄萬點紅

朱櫻青子已嘗新
白恰黃衫見未頻
載酒對棋無俗士
閉門高枕有閒人
有底百年須薄祿
相看一笑卻關身
肯留惡客開家釀
驚坐何人更姓陳

次韻敬酬元弼三兄

冥冥兩力及時來
冉冉春光作意回
白髮尙堪供語笑
青衫不惜著風埃
林廬要自家家到
尊酒寧辭日日開
只恐未便文字飲
人間無夢到陽臺

寄都下故人示王子安

湖海相忘日自疏
經年不作一行書
世閒惟有韓康伯
肯爲淵源住歲餘

送張衡山

昔別青衿子今爲白髮翁此行何日見多難向來同官事酣歌裏湖山秀句中風塵莫回首留眼送歸鴻

除夜對酒贈少章

歲晚身何託鐙前客未空半身憂患裏一夢有無中髮短愁催白顏衰酒借紅我歌君起舞潦倒略相同

和賈耘老春晚

縈縈裊裊幾絲飛榴葉千鐙照晚暉紫翠園林鶯欲嬾黃昏簾幕燕初歸花明西苑將迎幸草綠平原正打圍一臥海城春又晚不妨閒處得眞機

擬漢宮詞三首

葉葉霜林著意紅
翩翩行騎語牆東
黃金擬買長門賦
示信君恩屬畫工

月與秋期特地圓
花隨人意作春妍
卻因姊弟爭珠鳳
更欲君王意外憐

帳底吹煙香自薰
鏡前含笑意生春
經年不到君恩薄
卻是恩深更誤人

擬李義山柳枝詞

江清沙日煖雄鴨
鷗鴛鴦相看不相識
花晚褪紅香

其二

嫋嫋東門柳重重
小苑花爲誰須落子
著意莫藏鴉

其二

雨葉不自持風花故入衣飛花已無定忍著惡風吹

其四

伏雌將阿

一作沙

驚水陸不相直鴨鴨橫波去嗚嗚呼不得

其五

莫解丁香結從教長苦辛卻因千種恨別作一家春

庚辰三月上旬登白門閒望

昔別子未仕人言詩有神預知河嶺阻不作往來頻
猶學須知祿爲親五陵花滿眼作意莫禁春

次韻寇秀才寄下邳家兄

少共千憂老一官中間毀譽兩茫然去留有命真如此俯仰
從人卻未然故著江山供極目正將強健入新年驚逢小杜

風流勝信有衣冠不乏賢

贈知命

黑頭居士元方弟不肯作公稱法嗣外人怪笑那得知他日
靈山親授記學詩初學杜少陵學書不學王右軍黃塵扶杖
笑鄰女白衫騎驢驚市人靜中作業此何因醉裏逃禪卻甚
真顧我無錢呼畢曜有人載酒尋子雲君家魯直不解事愛
作文章可人意一人可以窮一家怪君又以才爲累請將飲
酒換吟詩酒不窮人能引睡不須無事與多愁老不欲醒惟
欲醉

次韻答少章

秦郎淮海士才大難爲弟蔚然霜雪後不受江漢沈春畦不

滿眼采掇到芹薺多病促餘年秋光欲辭抵儒林丈人行崛
起三界底出入銀臺門爲米不爲醴白頭容北面斯文分一
體媿我無異聞口闕不得啓

大風

飛沙破面風裂石平林隱隱傾霹靂野火燎原塵漲天道聞
馬嘶不相得老翁強欲作少年立馬階除起無力城南桃李
春意動少待明朝莫相失

秦少章見過

淮南小山秦氏子舊雨不來今雨來風席起塵晨突冷坐看
鳥迹破蒼苔

送王君玉赴試

汝穎諸王後風流獨此人談鋒堅百戰筆力舉千鈞得士吾
無媿多聞予未貧平生三學士相見定相親

送路紉歸老丹陽

身退不待年意足不待餘寧聞有餘論但問我何如才名四
十年盛氣蓋諸儒獨無金水力竟與鼃黿俱晚爲府中掾直
前不趑趄曾何媿俯仰頗亦困囁嚅有粟尚可餬有酒尚可
娛一朝脫章綬用意不躊躇富貴亦何有惜君寧挽裾人生
一世閒誰得還其軀謝公江海人此計竟亦疏千金一大錢
兩子雙明珠妙語發幽光東坡爲歛歔不知兩疏去能亦有
此無聊爲三徑資從子並門居

後山先生集卷第七